

KA JINGDONKAM JONG KA JINGPYNBEIT IA KI KHYNNAH

**To hikai ia u khynnah ha ka
lynti ba u dei ban iaid,
te ynda u la tymmen un ym kynriah
noh na ka. Proverb 22:6**



Na ka bynta ki kmie ki kpa

Ha khmih, ki khun ki long ka pateng U Trai: bad u soh ka kpoh u long ka bainong jong u. Salm 127:3. Uta uba isynei ia la u diengduh u isih ia la u khun, hynrei uta uba ieit ia u u sneng ia u mynshwa. Proberb 13:24

Ha ka jingsheptieng ia U Trai don ka jingshaniah kaba skhem, bad ki khun jong u kin ioh ka jaka rieh. Proberb 14:26

To sneng ia la u khun katba dang don ka jingkyrmen, bad wat ai ba ka mynsiem jong me kan sngewsynei ia ka jinglynniar jong u. Proberb 19:18 Ka jingbieit la teh ha ka dohnud u khynnah; hinrei u diengpynbeit un beh jngai ia ka na u. Proberb 22:15 Wat kyntait ia ka jingsneng ia u khynnah, namar lada men shoh ia u da u diengduh, un ym iap. Men shoh ia u da u diengduh, bad men pyllait ia ka mynsiem jong u na dujok. Proberb 23:13-14

U diengduh bad ka jingsneng ki ai jingstad, hynrei u khun ba la iehnoh marwei u pynjah burom ia la ka kmie. Proberb 29:15

Pynbeit ia la u khun, te un pynjahthait ia me; hooid, un ai ka jingsngewbha ia ka mynsiem jong u. Proberb 29:17

Bad ki khun jong me baroh kin shah hikai da U Trai; bad kan long kaba khraw ka jingsuk jong ki khun jong me. Isaiah 54:13

Na ka bynta ki khynnah

To burom ia la u kpa bad ia la ka kmie, khnang ba me slem ha ka ri ia kaba U Trai U Blei jong me un ai ha me. Eksodos 20:12

Ko khun, wat ibein ia ka jingsneng U Trai; lymne wat thait ia ka jingsneng jong u: Naba ia uba U Trai u ieit u sneng; kum u kpa ia u khun ha uba u sngewbha. Proverb 3:11-12

Ki proberb u Solomon. U khun uba stad u pynkmen ia la u kpa, hynrei u khun uba bieit u pynsngewsih ia la ka kmie. Proverb 10:12.

Sngap ia la u kpa uba la pynkha ia me, bad wat ibein ia la ka kmie ynda ka la tymmen. Proverb 23:22

Phi ki khun, to kohnguh ia la ki kmie ki kpa ha U Trai, naba kane ka long kaba dei. To burom ia la u kpa bad ia la ka kmie; kaba long ka hukum banyngkong lem bad ka jingkular; Khnang ba kan bha ia me, bad men im slem ha ka pyrthei. Ephesos 6:1-3.

To burom ia la u kpa da ka dohnud baroh, bad wat klet ia ki jingsngewsih ka kmie jong me. To kynmaw ba la kha ia me na ki; bad kumno men lah ban siew kylliang ia ki ia kiei kiei kiba ki la leh na ka bynta jong me? Eklesiastik 7:27-28

Lada ngi pynshitom ia ki khun jong ngi, kin sa iam mynta hynrei kin sa sngewbha ha ki por ban wan. Lada ngim pynbeit ia ki khun jong ngi, kin sa sngewbha mynta hynrei kin sa iam ha ki por ban wan.

Ki khynnah ki long ka lawei jong ka ri jong ngi. Hynrei lada kin sa tymmen khlem jingpynbeit, kumno kan long ka lawei jong ka ri jong ngi?

Baroh ki jinglong bymman jong u briew uba la san ki long kito ki bym shym la pynbeit ne pynshitom ha ka por ba u dang rit. Ngi hap ban pynsan pynrangbah ia ki khun kiba tieng, kiba ieit bad kiba kohnguh ia U Blei.

Nga la shim ia ka lyngkhot dewbilat kaba im Bad la pynlong ia ka da kaba jem na ka sngi sha ka sngi .

Nga la wan biang ynda ki snem ki la jah Ka dei ka briew kaba nga la peit U dang don kata ka jingsngewtynnat kaba sdang Bad ngam lah ban pynkylla ia u